



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus


Coloniae Agripp., 1623

Medit. 61. De Ascensione.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

mansurum, usq; ad consummationem seculi. Erigendus itaque nobis est animus & fiducia in Deum obfirmandus aduersus omnes tentationes, vexationes & labores, hac præcipuè cogitatione, quod is cuius amore omnia suscipimus; ac toleramus, & auxilio & præsentia nobis assistet.

7. Fidem eorum qui in ipsum essent credituri, Christus miraculis demonstrandam confirmavit: nos itaque & si miracula exteriora non operemur (vt primis illis Christianis contigit) non est magnoperè curandum, quia ista possunt quidem aliquando esse signa sanctitatis, sed eam tamen homini non conferunt. Studeamus potius facere miracula spiritualia pietatis & charitatis, quæ eò magis sunt secreta, & maioris meriti apud Deum, quò occultiora sunt & ab oculis hominum magis remota.



MEDITATIO LXI.
DE ASCENSIONE
CHRISTI.

PVNCTA MEDITATIONIS.

Mar. 16. I. Postquam per 40. dies Christus apparuerat discipulis, misit eos Hierosolymam, vt ibi spiritum S. expectarent.
Luc. 24.
Act. 1.

II. Eduxit eos ad Oliueti montem: Et videntibus illis eleuatus est, &c.

III. Iis-

MEDITATIONVM. 369

III. *Iisdem in cœlum aspicientibus dictum est ab Angelis viri Galilæi quid statis &c.*

FIGVRÆ.

ENoch, homo iustus, fuit à Deo translatus, nec amplius apparuit super terram. *Gen. 5.*

Elias dum loqueretur cum suo discipulo Eliseo, in curru igneo assumptus est. *4. Reg. 2.*

Arca fœderis fuit in templum Domini, à Salomone magna pompa & solemnitate, vniuersoque populo comitante introducta. *3. Reg. 8.*

PROPHEŦIAE.

Sicut aquila prouocans ad volandum pullos suos, & super eos volitans expandit alas suas. *Deut. 32.*

Ascendet enim pandens iter ante eos,

Quis est iste, qui venit de Edom, tinctis vestibibus de Bosra, iste formosus in stola sua, gradiens in multitudine fortitudinis sua! *Mich. 2. Isa. 63.*

Attollite portas principes vestras, & eleuamini porta aeternales, & introibit rex gloria. *Psal. 23.*

Ascendit Deus in iubilo, & Dominus in voce tubæ. *Psal. 46.*

Psal. 17. Ascendit super Cherubin, & volauit super pennas ventorum.

Psal. 67. Ascendisti in altum, coepisti captiuitatem.

Ibidem. Psallite Deo, qui ascendit super calum caeli ad Orientem.

Psa. 18. A summo caloe egressio eius, & occursum eius vsque ad summum.

Dan. 7. Aspiciebam ego in visione noctis, & ecce in nubibus cali, quasi filius hominis veniebat; & vsque ad Antiquum dierum peruenit, & in conspectu eius obtulerunt eum, & dedit ei potestatem, & honorem & regnum.

DOCUMENTA.

1. **C**hristus se vi propria in altum eleuans, ascendit in caelum, in praesentia suorum discipulorum. Ita qui alijs praefuit, vt superiores & pastores, se ipsos attollere, in praesentia subditorum bona vita & caelesti conuersatione debent, eousque excitare bono exemplo, ad auocandum animum a rebus terrenis, & eleuandum ad acquirendam virtutem.

2. Si Christus caput nostrum ascendit in caelos, & vbi fuerit caput, ibidem & membra ipsa adesse conueniat; debemus item & nos sperare tandem aliquando ascensuros in caelum, vbi est caput nostrum, si tamen ad ipsius vitam confirmantes nostram, digna & viua huius capitatis membra inueniamur.

3. **Chri-**

3. Christus primo euocauit discipulos ex ciuitate, deinde deduxit in Bethaniam, post hac illis benedixit, & nouissimè conscendit in cœlum: Ita in conuersione peccatoris, Dominus primo omnium extrahit illum ex peccato. Secundo ducit illum in Bethaniam, id est, in domū obediētiae, ut obediat præceptis eius. Tertio illi benedicit, implendo eum sua gratia. Quarto ascendit, hoc est, facit eum conscendere apicem virtutis & perfectionis christianæ.


4. Christus, qui in sua natiuitate exinaniuit semetipsum, & se fecit inferiorem non solum Angelis, sed etiam hominibus, *formam serui accipiens*, meruit in sua ascensione euehi supra omnem creaturam humanam & Angelicam: ita nos, si cum voluptate desideremus exaltari cum CHRISTO, non subterfugiamus humiliari in hoc mundo, & deprimi eius exemplo infra omnes. *Phil. 2.*

5. Dixerunt Angeli, quod, *sicut Iesus ascendit, ita veniet*, Dominus ascendit beneuolus, sed veniet terribilis, & illius, quod in suo abitu nobis benignè commendauit, in reditu cum seueritate, rationem exiget. Quare non negligamus tempus nobis concessum ad pœnitentiam, quandoquidem eo maiori austeritate redibit ad iudicandum, quod diutius & patientius expectarit.

9. Apostoli, postquam ab ijs discessisset Christus, non solum tristiores non sunt redditi, sed etiam pleni gaudio redierunt Hierosolymam: Qui nimium turbantur, cum Dominus se paululum illis subtrahit, auferendo spirituales consolationes, seipso verius quam Christum amare demonstrant.

Verus amator est fortis & constans, neque consolationibus extollitur, neque desolatione deprimitur, sciens nec fieri merito suo cum visitatur à Domino: nec se reijci, cum sese Dominus paululum ab eo subtraxerit.

7. Postquam redemptor noster ascenderit in cœlum, sequamur ipsum desiderio, & eo scandamus corde, quo credimus ipsum corpore conscendisse. Fugiamus omnia mundana desideria, neque nos quicquam afficiat amplius super terram, cum habeamus Patrem in cœlis.



MEDITATIO LXII.
DE MISSIONE SPIRITUS
SANCTI.

PUNCTA MEDITATIONIS.

- Act. 2.* I. Discipulis in eodem loco, congregatis, factus est sonus spiritus vehementis, & replevit totam domum.
- II. Apparuerunt dispartita lingua tanquam ignis, seditque supra singulos eorum.
- III. Repleti omnes spiritu S. ceperunt loqui? prout spiritus dabat eloqui illis.

FIGV.